

احمد رفیق

نالیخ صحیفہ

قہرمان نقرلریز — اہراملرہ طوغری — سلیم اولک صنعت
غالیقی — سطرکلی کونلریز — سلیمان قانونینک صوک سفری —
ویاتہ ہزیعتندن صوکرہ — مصطفای ثالث و بیوک فرہدریق .
آوووپادہ سلطان جم — قانونی سلطان سلیمان و خرم سلطان —
عثمان ثانیکن شہادت — کوسم سلطانک تدابیر سیاسیہ —
سلیم ثالث و فکرترقی .



استانبول — مطبعہ احمد احسن

۱۳۲۵





مقدمه

تاریخ صحیفه لری، اردومزك پارلاق و شرفلی کونلرینه،
تاریخمزك قانلی و انقلابلی صحیفه لرینه دأر یازیلان مختلف
مقاله لری احتوا ایدیور . بو مقاله لرك بر قسمنده ،
قلیچك قوتی ایله اکتساب شوکت ایدن بر متك مظفر
و جنکاور اردوسی ایله حکمداری بیتنده کی ارتباط ؛
دیگر قسمنده ، وطنی دوچار پریشانی ایدن ، ملتی
ضرورت و سفالت ایچنده انقراضه طوغری سور و کله یین
عناصر اضمحلال ایله آنلرك اسباب و تأثیراتی بیتنده کی
مناسبات تحلیل و تشریح ایدلمشدر .

تاریخ عثمانیده او یله قانلی انقلابلر ، فحیح صحفه لر ،
ملال آور صحیفه لر واردرکه ، بونلری عمیق بر نظرله
تدقیق ایتمک ، بو صفحاتی تولید ایدن اسباب سیاسییه
واجتماعیه یی ملتك بر منقبه حیات فلاکتی طرزنده تصویر
ایدرك نسل حاضرک نظر عبرت و اتباهی اوکنه وضع
ایتمک تربیه و طپرورانه نقطه نظرندن بیوک بر فائده یی
جامعدر . تاریخنه واقف اولیان بر ملت ، موجودیت

ماضيہ واجتماعیہ سندن هیچ بر وقت خبردار اولاماز .
 وطنك مقدرات آتیه سنه اجرای تأثیر ایدن اسبابك
 اولیاتنه ، ملتك طبایع میزه سنه هیچ بر زمان افزاز
 نظر ایدمز . آنی ماضینك سلسله ظلام آلودی آرہ -
 سندن حقایق سیاسیہ یه ، وطنك دوچار اولدینی آلام
 متوالیہ یه واقف ایدمك يكاه مشعل حقیقت ، تاریخ
 ملیدن بشقه بر شی دکلدر .

تاریخ عثمانیہ بزه بو حقیقتلری اوکرده مك پك
 چوق وقعلر ، پك عبرت آهیز لوحلر موجوددر . بو
 الواح ووقایبی محاط اولدقلری سحائب طرفکیریدن
 تجرید ایدرک صاف وعریان بر حقیقت تاریخیه شکلنده
 ساحه علایتنه چیقارمق ، ملتك سوابق موجودیتنی تدقیق
 ایچون مهم بر درس انتباه تشکیل ایدر . ایشته شوکوچوک
 اثری تشکیل ایدن مقالات متنوعه ، انک زیاده بو نقطه
 نظر دن قلمه آلمشدر .

۲۷ ایلول ، ۳۲۵

احمد رفیق



اردو و شاه



قهرمان نذر لیمز

هر ملتك بردور قهرمانیسی وارد در. بودور قهرمانی،
ملتك هنگامه شبانه تصادف ایثدیکی ایچون فطرت
ملیه ده مکنوز بتون فضیلتك ، بتون قهرمانلقكك
ظهورینه مدار اولور . دور تاریخیدن اول بدأ ایدن بو
صفحه موجودیت ، هر دو اتده ، هر ملتده پك آز بر
زمان ایچنده مبدل سکون اولدینی حالدده عثمانلی ملتده
عصر لرجه دوام ایتمش ، سیف بدست جهاد اوله رق
اوروپا ساحه لرینی عصر لرجه طولاشان عثمانلی لر قلیج لر یله ،
انتظام لر یله ، عسکر اکلر یله جهانه بر ملت مسلحه
اولد ق لرینی انبات ایلمش لردز .

ماضینك خاطره دورا دوری ایچنده بر موکبه ظفر ،
بر سیل خروشان جلادت کبی اولانجه سلطنت عسکر یه -
سیله کوز لر من اوکنده درخشان اولان اردو مزده اویله
خارق العاده افعاله ، اویله شانلی فتوحاته تصادف ایدرز که ،

ایشته بوافعالی اجرا ایدن، بوفتوحاتی تأمین ایلین داهیلره عثمانلیق نامنه خدمت ایدنلر، هپ او قهرمان نفرلریمزدره. نفرک مرتبه قدری بیوکدر. نفر ملتک سینئه حمیتی، وطنک آت مظفریتی، واسطه شان وشوکتیدر. تاریخ مایمزده او یله شانلی عسکرلره، او یله قهرمان نفرلره تصادف اولنورکه، آنلرک بر حرکت مردانه‌سی، بر فعل مظفرانه‌سی بیوک بر محاربه‌نک نتیجه قطعیه‌سی اوزرینه مهم بر تاثیر اجرا ایتیش، بیوک بر مظفریت، خارق العاده بر موفقیت درجه‌سنده صحیفه تاریخ عثمانیده ابدی بر شان حماسه بر اقامشدر.



عثمانلی تاریخی، قهرمان نفرلریمزک فطرت شجیعانه سنی اثبات ایده‌جک پک پارلاق مثاللره مالیدر. تاریخ ملیمزه بر مقدمه شوکت بخش ایدن روم ایلی یه مزور، سلیمان پاشا معیتده احیای ملت نامنه حرکت ایدن سکسان نفرک، سکسان دلاورک تشبث مردانه‌سندن بشفقه بر شیمیدر؟ او یله بر تشبث‌که، قوجه بر ملتک اقبال آتیسنه بر فاتحه ظفر تشکیل ایتیش، او یله بر تشبث‌که، داستان فتوحات ملتیه بر منظومه جلادت علاوه ایدرک عثمانلیلرک مرد و قهرمان شاعرلرنده:

روم ایلینه کچمشز ، بز بر ایکی سال ایله
 همت مردان ایله ، غیبیدن ارسال ایله
 کوزلریمز آچمشز ، احسن اعمال ایله

سانحه فکریه سنک ظهورینه مدار اولمشدر .

دور قهرمانیمزک جزئی فاصله لرله اجرا ایدیلن اوفاق ،
 فقط ایلك قوه شباب ایله وقوعه کلن شانلی محاربه لرنده
 بتون افراد ملت عین حس غیرتله وظیفه عسکریه سنی
 ایفا ایتمش ، قهرمان نفرلرک افعال جلا دتی اردو افرادینک
 خروش بساتی آره سنده غائب اولمشدر . فقط اردو -
 لریمزک موجودی نظام وانتظام ایله متناسب بر صورتده
 تزايد ایدرک مختلف قطعه لر آری آری منطقه لرده ایفای
 وظیفه ایلكه مجبور اولور اولماز ، بو قطعه لرده طبعاً ،
 عزماً متین اولان عسکرلر بتون قهرمانلقلرینی اظهار
 ایتشلر ، بولندقنری قطعه عسکریه یه شرف ویره جک
 فداکارلقلر ابراز ایلشلردر .

تاریخ عسکری عثمانیده پارلاق بر نام ، اونودلماز
 بر شان براقان ایلك قهرمان ، فاتح اردوسنده سنه لرجه
 خدمت ایدرک طبع مردانه سنی استانبول محاصره سنده
 اظهار ایدن اولوبادلی حسندر . حسن ، بر هجوم قولنده
 بتون افراده نمونه امتثال اوله رق خلیج سوزلرینی
 طاقتسوز بر غیرتله زورلامش ، آتشلر ایچنده ، اوق

کردبادلری آره سنده ترك حیات ایلش ؛ فقط غیرت و حماستی ایله بتون ارقداشلرینی شوق و غیرته کتیره رك متین بر موقعك شانلی بر صورتده ضبطنی تسهیل ایلشدره . فاتح اردوسنده بك چوق قهرمان نفرلر فضیلت شخصیه لرینی ، غیرت عثمانیه لرینی اظهار ایدرك اردومزه نافع خدمتله ایضا ایلدکلی کبی ، چالدران و دیدانیه خالبك شانلی اردوسنده ده ینه بك چوق نفرلر فطرت عسکریه لرینی اولانجه فضائی ایله ابراز ایلشدره . سلطان سلیم بو کبی افراده دائمًا مکافات ایدر ، آنلری نظره التفاتی ، تشویقات متوالیه سیله تسریر ایلردی :

چالدران سفرندن اول ادرنه ده صیق صیق دیوان عالی انعقاد ایدیور ، مذاکرات کج و قتلره قدر دوام ایلدیوردی . ینه برکون یاوزك ریاستی آلتنده انعقاد ایدن بر دیوان عالیده بتون قوماندانلر یاوزی بر طور تسلیمیتکارانه ایله دیکه دکلی ائاده ، سلطان سلیم اللریله غضوبانه طورلر آله رق :

— حرب ، حرب ! حرب ایتك لازم .

دییه باغیرمش ، انظار مهابتی اوکنده دمبسته خوف و وحیرت اولان ارکان دولت هیچ بر جواب ویره مه . مشلردی . یاوزك صدای جلادتی ، اطرافنده حکم فرما اولان سکون احترام ایچنده طنین انداز اولدیغی ائاده

دیوان عالیده ایفای خدمت ایدن عبده نامنده بریکچیری
نفری کال حرمتله یاوزک آیاقرینه قیامش :

— پادشاهم ! نه طور رسک ؟ اه اوغورکی آجیق ،
قلیجکی کسکین ایتسون. بز کیتدیگک یرد کیدر، قالدیغک
یرده قایرز .

صورتنده اداره لسان ایلشیدی . نفرک بوتسلیمیت
جنکاورانه سی یاوزی صوگ درجه ممنون ایتمش ، نفره
سلانیک سنجاغی آرپهلق اوله رق احسان ایلشیدی .
دور استیلا اردولریمزده متانت طبعی ، فضیلت
شخصیه سی ، افعال مردانه سیله تمیز ایتمش نفرلر بولندیغی
کچی بیک تاریخلرندن صکره اوستریا ایچلرنده ، آق دکزلرده
آب و آتش ایچنده چارپیشان ، گاه سیاسی برخطانک تأثیر
مشئومی ایله دوچار مغلوبیت ، گاه سونمک بیلیمه یین بر
حس قهرمانینک ، فطری برصنعت عسکریه نیک تأثیریه
نائل مظفریت اولان اردولریمزدهده انموزج فضیلت عد
اولنه بیهجک قهرمان نفرلره تصادف اولنور .

۹۳۶ سنه سنده سلطان سامان قانونی اردوسنک
فداکار آقینجیلری ویانه سورلرینه طایاندقنری اثناده ،
دشمن طرفندن اسیرایدیلن بش عثمانلی نفری خارق العاده
برفضیلت عسکریه ابراز ایلشلردی . بونفرلر ، ویانه
مدافعینندن پول باکیچ طرفندن اجرا ایدیلن خروجلر

انساننده یا قالاتمشلر ، دشمن عسکرلری طرفدن لری باغلاناری شهره کتیرلمشلدی . بشی ده مدافعه هیئت موآجهه سنه کتیر یله رک عثمانلی اردوسی حقنده معلومات آلمق ایچون اشتجواب ایدلمشیلر ، نطق اردولرینک احوالی حقنده دشمنه هیچ معلومات اعطا ائمه مشلدی . آوستریالیلر ، بوسکوت بسالتکارانه یه قارشی حدت وشد تلیزنی یکمیه رک بوش عثمانلی قهرماننه اللردن کلن مجازاتی اجر ایله مشلر ، تضییق ائتمشلر ، تخویف ایله مشلر ، فقط اردونک سلامتی اوغورنده فدای جان ایله مکی ترجیح ایدن بو قهرمانلر ، فکر لرنده قطعاً اصرار ائتمشلدی . آوستریالیلر بو حس بلند فداکاری یه قارشی ذره قدر حس تقدیر اظهار ائتمیه رک نهایت بوشانلی قهرمانلری ایپلرله باغلامشلر ، بشی ه ظالمانه ، غدرانه بر صورتده طونه نهرنده بوغمشلدی .

۱۰۰۱ تاریخنده ابراهیم پاشانک ایلك قشیره محاصره سی انساننده دشمن باروتخانه سی آت شاهین عثمانلی نفری ایله ۱۰۶۷ تاریخنده کوپرلی محمد پاشا تربیه سی ایله پرورده اوله رق برمرمی ایله بیوک بر موفقیت تأمین ایدن قره محمد ، دور سکون و تشتمزک ائک قهرمان عسکر لرندن معدوددر . قشیره قهرماننک سلامت عسکر یه نامنه اظهار ایلدیکی استحقار موت نه درجه علوی بر فضیلت مردانه

ایسه ، ملتک فطرت عسکریه سنی بر حرکتی ، بر حرکت
 وظیفه شانه سیله ابراز ایدن قره محمدک نشانخیلقده کی
 مهارتی ده حب وظیفه وصنعت عسکری نقطه نظرندن
 او درجه مبعجل بر فضیلت عثمانیه در . قهرمان محمدک
 دقت واهتمامیله آتیلان بومرمی ، آمیرال موجه نیغو
 سفینه سی اوزرنده پاتلار پاتلاماز ، صاری کمان پاشانک
 فلاکت بحریه سنه قطعی بر خاتمه ویرلمش ، وندیک دونمسانده
 حاصل اولان خوف عمومی بوزجه آطه نك تخلیصنی تأمین
 ایلشدی .



تاریخ ملیمزده ابدی ناملر اراقان قهرمانلرک، قهرمان
 نفرلرک افعال مهییه جلادتی ده اثبات ایدیورکه ، نفرک
 فضیلت شخصییه سی ، حس کزین اطاعتی ، عزم متین
 وجلادتی ، ملتک تأمین سلامت ومظفرتی ایچون بیوک
 برهمیتی حازدر . نفر ، جسم ملتک بر جزؤ مبعجلی ،
 دولتک برمدافع شان وشوکتیدر . وظیفه مقدسه عسکریه ،
 نقرده حب صنعت ، میل فداکاری ، فراغت نفس ،
 حب ملی کی اوصاف مبعجله نك اساسلی بر صورتده
 موجود بولمسنه لزوم حاصل ایدیور . بوده انجق وطنه
 محبت ، وطنک سعادت وسلامتی نامنه اجرا ایدیله جک
 کافیه وظائفده عظیم برحس اطاعتله تأمین ایدیله بیلیر .

وطن محبتی ملتک عروق غیرت و حمیتی تحریک ایده جک، اردونک شوق جنسکاورانه سنی تزیدد ایلیه جک یکانه عنصر معنویدر. بو عنصر معنوی عثمانلی ملتک فطرت عسکر به سنه اولیه بر فیض، اولیه بر قوه نامیه حیات بخش ایلمشدرکه، بتون مظفرتلریمز بو حسن نجیب ایله مربوط قلبلرک غیرت و فعالیتی، بتون موفقیتلریمز بو واسطه محرکه نك سائفه طاقت براندازیله اوینایان قوللرک شدت و متانلی سایه سنده احراز ایلمشدر. عثمانلی قوماندانلرینک، عثمانلی اردوسنی تشکیل ایدن قهرمان نفرلرک اطاعتی، آمری طرفندن ویریلن امره در حال اتقادی سایه سنده احراز اولنان بومظفرتلر، صحیفه تاریخ مدنیتده زوال ناپذیر بر عکس سرمدی بر اقمشدر.

لئون قاهون، یاوز سلطان سلیم دورینه عابد بر
حکایه تاریخیه ده :

« استانبولک فتحندن له پات میدان محاربه سنه کلنجیه قدر،
عثمانیلر مغلوب اولماز صفتیه شهرت قازانمشلدر . »

صورتنده بیان حسیات ایلدیکی کبی، آمیرال ژوریه ن
دولا غراوییه رده دور سلیمان قانونی به دائر یازدیغی بر اثر
تاریخیه ده :

« عثمانیلر وقتیه بو کوسکی حالده دکلدیز . هر کسک اننده

بر شکار ، راست کلنک تعرضه معروض بر ملت دکلردی .
 ترکلر ، دور سلیمان قانونیده شوکت عسکریه لریله دنیایی
 تترمشلردی . ملل غیر مسلمه نك بتون قوتلری بریره کلسه ،
 عثمانلی دونماسنه ممکن دکل قارشى طورامزدی . پره وزه محاربه
 بحریه سی شوکت عثمانیه نك نقطه بلند کالنی تشکیل ایدر .

طرزنده عثمانلیلرک فطرت عسکریه لرینی تصدیق

ایدییور .

بو فطرت بوکون ینه باقیدر . بو فطرت بوکون ینه
 حر اردومزی ، استبدادک مظل بلوطلرینی سسونکو -
 لرینک مشعشع پارلتیلریله تاراج ایدن قهرمان اردومزی
 پاک ودرخشان ناصیه سی ، سنلرجه قهر واستبداده قارشى
 طوران سینئه متین حمیتی ایله انظار مللده اعلا و احیا
 ایده جکدر . فقط بو مقصدی ، بوامل مبعجل وممیزی
 تأمین ایچون یکانه چاره : حس اطاعتله پرورده نفرلر
 یتشدیرمک ، اردونک بو قیمتدار ، صاف ، نزیه جزؤلرینی
 برکته آهین حمیت حالنه کله جک بر مرتبه یه ایصال
 اتمک ، تاریخ ملیه نك پارلاق وشانلی صحیفه لرینی ، قهرمان
 نفرلریمزک پارلاق فضیلتلرینی آنلرک صاف وپاک قلبرینه
 نقش اتمک ، عثمانلی ملتی ، عثمانلی سنجانی ایچون قاننک
 صوک طامله سنی آقیمق حسنی آنلره تمامیه تلقین ایلمکدن
 عبارتدر .

ایشته او زمان ، فآملرک ، یاوزلرک حر وقهرمان

احفادی ، یکرمنجی عصرک شعشعہ مدینتی اورتہ سندنہ دہ
 سوابق شوکت مزله متناسب شانلی بر مدینت عسکریہ
 وجودہ کتیرہ جکلر ، متین بر قلب ، کسکین بر قلبی جلاہ
 عثمانلی وطنی ، عثمانلی طوپراغنی ہر زمان مدافمہ
 ایدہ بیابہ جکلر در .



اهراملره طوغری . . .

سلطان سلیم ، مرج دابق میدان محاربه سنده قطنی
ویارلاق بر مظفریت اجراز ایله مشدی ، اردو ، بوشانی
مظفریتک تأیر یله شاهه کیریور ، سلطان سایم یکی
مظفریتلر ، استیلاکارانه هوقیتلر احراو ایتک ایچون
سوق الجیش تداییری اتخاذا ایدیبوردی .

سلطان سلیم ، مصره ، اهراملره طوغری اجرا
ایده جکی سفرك بوتون مشكلاتی ، بی نه ایله چوللرك
بوتون مزاحمتی ، حیات فرسا یورغونلقلرینی ده نظر دقته
آلمشدی . بر طرفدن متین براس الحركات تأیس ایتک
ایچون اردونك ساحه حرکاتی تماماً ضبط ایدیبور ،
دیگر طرفدن مظفر اردونك ارزاقی ، صوبی ، ذخیره سی
بر فعالیت عصبه ایله دودلره تحمیل اولونیوردی . سلطان
سایم ، سطوتلی اردوسیه قطیه چولنك آشین افقلرینه
طوغری حرکته باشلادینی زمان ، بوتربیات تماماً اتخاذا
ایدش ، سان پاشا غزه ده پارلاق واساسلی بر مظفریت
اجراز ایله مشدی .

سلطان سلیم اردوسی چوله داخل اولدینی زمان
 افرادده برتعب وکسالت حصوله کلکه باشلامشدی .
 برچوق اردولرک حرکات استیلاکارانه سنه مانع اولان
 بو قوملی سحرالر ، اردولرک قوه معنویه-نی کسر ایدیور ،
 ثبات و متانتی خللدار ایلوردی . افقک دنواز ،
 فیروزه نك سہاسیلہ برتماس آتشین حاصل ایدن بوچول ،
 اوفاقی برضربہ ریاح ایله عظیم بردریای خروشان حالتہ
 کلیور ، اشعہ شمس آلتندہ کوزلر قاشدیران بوفسحت
 آتشین ، وصولی محال برامل دورا دور کبی اولانجه
 وسعتیلہ امتداد ایدیوردی . بعضاً ، جریان وزانی
 اوزرنده بحر سفیدک مائی طالعہ لرندن بشقہ برمانعہ یه
 تصادف ایتہین باد صرصر ، بودریای ریک اوزرنده
 قاصیرغہ لر پیدا ایدیور . . اوزمان کوزلر قابانیور ،
 بوتون اعصاب بوغوجی ، طاقت فریب بریوست ایچندہ
 قابوردی .

سلطان سلیم اردوسی بوچول اورتہ سندہ آلی یشیللی
 بایراقلری ، ضیای شمسہ قارشی پارلایان مزراقی ،
 اردویی برمشی لاقیدانہ ایله تعقیب ایدن دولری ای .
 آہستہ آہستہ ایلر یلہ یور ، نشوؤ دلاویز ظفر آنلرہ
 بتون مشکلاتی ، بتون مناعی برشوق دیندارانہ ایچندہ
 اقتحام ایتدیریوردی .

سلطان سلیم ، نابولٹونك اون بش بيك كشيلاك
 براردو ايله يكرمي كونده قطع ايتديكي بوچولى ، آتمش
 بيك كشيلاك براردو ايله اون كونده قطع اتمش ، صالحيه
 جوارينه طوغرى امين و قطي بر يورويشله ايلرله مکه
 باشلامشدى . سلطان سلیم اردونك حرکاتى تأمين
 ايچون اطرافه جاسوسلر كوندریور ، دشمن اردوسى
 حقنده قطي ومهم معلومات آليوردى . بو خبرلردن ،
 طومانبايك اللى بيك كشيلاك براردو ايله عادلّه جوارنده
 بولوندينى آكلاشيلیوردى . فى الحقیقه طومانباي ، سلطان
 سلیم اردوسنك تقرب ايتديكى خبر آليز آماز ، اردونك
 تعقيب ايتديكى يول جوارنده سپرلر انشا ايتدیرمش ،
 بتون سپرلى قاهره دن كيتيديكى اطوپلرله تجهيز ايدرك
 سلطان سلیمك ورودينه انتظار ايله مشدى .

سلطان سلیم بو ترتيباتى بوتون تفرعاتيله خبر
 آلمشدى . دشمنك هر درلو حرکاتندن خبردار اولان
 بو قهرمان ، طومانباي اردوسنه قارشى جبهه دن اجرا
 ايديله چك هجومك فوق العاده مشكل اولاجغى دوشونيور ،
 افرادى كليتلى تلفاتّه دوچار ايمه مك ، دشمنك قوه
 مغنويه سنى كسر ايتك ايچون خصمه صاغ جناح كرپسندن
 برچویرمه حرکتى اجراسنى موافق كورويوردى .
 سلطان سلیم بو حرکتى اجرايه تماماً قرا ويرمش ،

سنان پاشایی صاغ جناحه ، یونس پاشایی صول جناحه
تعیین ایله دکن سوکره برکه الحاجدن جبل مقطمه
طوغری ایله مکّه باشلامدی. سلطان سایم بو حرکتی
کیجه این اجرا ایدیور ، شفق سوکره که باشلار باشلاماز
دشمنک صاغ جناحی کریسندن شدتلی بر هجوم حرکتی
اجراسنه مباشرت ایلیوردی .

سلطان سلیمک خصمه صاغ جناح کریسندن تعرضی ،
دشمنک جبهه ایلیسنه یرلشیدریکی طوبلردن استفاده
ایتمنه مانع اولیوردی . یالکز صاغ جناحده کی طوبلرک
برقیمی محاربه میدانی کشف دومانلر ، مدھش کورولتیلر
ایچنه بر اقیور ، بو کشف دومانلر آره سنده قلیج و مزراق
پارلتیلری ، طوپ و تفنک آتشلری منظور اولیوردی .
اورته ده ، صول جناح ایله مرکز قطعاتی بر بری پارچه
لارجه سنه تعرض ایدیور ، سواریلرک قلیج شاقیردیلی ،
زرهلرک شدتلی چارپیشمه لری ، هرا یکی طرفک سامعه
خراش ، خشیت آور صدالری سحرک سکون بی نهایی
ایچنده ظنین انداز اولیوردی .

محاربه نك بودھشتلی ، آتشی هنکامده سنان پاشانک
فعالیتی بوتون محاربه یه حاکم اولیوردی . سنان پاشا ،
دشمنک صول جناحی شدتلی بر هجوم ایله یارمش ، آتشلر ،
دومانلر ایچنده ظفر خارقلری ابراز ایدیوردی . پاشا ،

النده کی قیلیجی هوایه طوغری قالدیره رق نطقلر ایراد
ایدیور : « آرسلانلرم ، قهرمانلرم ! پادشاه اوغورنده
جان ویرمک سرمایه افتخاریمز ، قیلج یوزندن دونمه مک
یکانه کارمزدرد ! » دیوردی . اوزمان عسکر بوموثر ،
قهرمانانه سوزلردن غلیانه کلیور ، دشمن اوزرینه بتون
موجودیتله آیلپور ، ووریور ، وورولپور ، قانک
صونک دامله سنی آقیدنجیه قدر آتشلر ایچنده فدای جان
ایدیوردی .

سنان پاشا بونکله ده آکتفا ایتیوردی . توز بلوظلری
ایچنده ، طوپ وباروت دومانلری آره سنده جوال و بو
قلمون برکتله آهنین کبی حرکت ایدن دشمن صفلرینه
طوغری آتی سورمش ، تاریخ مظفریات عثمانیه ده پارلاق
بر نمونه قهرمانی براقغه غیرت ایلپوردی . سنان پاشانک
بو تعرضی دشمنک بوتون مقاومتنی صارصیور ، جانبرد
غزالی سنان پاشایه طوغری کوچوک بر قطعه ایله
ایلر یلیوردی . سنان پاشا ایله جانبرد غزالینک مصادمه سی
حقیقه شدتلی اولمشدی : قلیج شاقیردی لری ، اه اه
آوازه لر ایله برقات دها کسب دهشت ایدن بومبارزه ،
خوزریزانه بر صورتده دوام ایدیور ، سنان پاشا احراز
مظفریت ایچون بوتون غیرتتی صرف ایدیور ، فقط
حال پیرانه سی دها زیاده قوت صرف ایتسنه مساعده

ایتموردی . سینه مجروحندن آقان قانلر ، وجودنده بر بی تابی تھملسوز حصوله کتیردیکی حالده سنان پاشا متصل چارپیشیور، افراد ایله برابر وظیفه حمیتی، ایجابات و ظنپورانہ بی ایفا ایدیوردی .

سنان پاشانک حال بیتابانہ سی سلطان سلیمک نظر دقتی جلب ایتمش، سلطان سلیم بویوک قهرمانک کری به آلمشی امر ایتمشدی . فقط سنان پاشا وظیفه مبارزه دن آیرلمتی بردلو آرزو ایتموردی . بر طرفدن محاربه میدانتی برطور بیتابانہ ایله ترک ایدیور، دیگر طرفدن معیتی افرادینہ: « آرسلانلرم ! صفلریکزدن برپادشاه عسکری اکسیک اولقله موثقتیکزه نقیصه کلز . سزیالکز دشمنندن یوز چویرمه مکه غیرت ایدک! » دیور و آغلا یوردی .

سنان پاشا، سلطان سلیمک امریله کوندریلن محفیه اوزاتمش، آتشلر، دو مانلر ایچنده ولوله لرله عکس انداز اولان محاربه میدانندن آیریلیور، فقط قهرمان سلیمک مظفریتتی کوردکن، قهرمانلغنک ثمردسنی اقتطاف ایتدکن صوکره اولمک ایستیوردی .

سنان پاشا، محفیه محاربه میداننه ناظر برتبه به کتیر- تمشدی . یاره سنک تأثیریله بی مجال یاتان بو قهرمان، اوزاقدن قهرمان سلیمک عسکرله برابر دشمن اوزرینه آتدیغنی کورویور، قلباً حس ایلدیکی سرور مردانه سیاستده حاصل